



## ОЛОН УЛСЫН БАКАЛАВРИАТ ДИПЛОМЫН ХӨТӨЛБӨРИЙН ЭЛСЭЛТИЙН ЖУРАМ

Боловсруулсан: 2016 оны 9 сар

Шинэчилсэн: 2019 оны 3 сар

Шинэчлэн найруулсан: 2021 оны 5 сар

Дахин хянах: 2022 оны 5 сар

“Шинэ Үе” сургууль

2021



Элсэлтийн журам



***“Олон улсын бакалавриат” гэдэг нэршлийг цаашид АйБи гэж товчилж буй. Энэ нь бакалаврын зэрэг биш хэдий ч бакалаврын суурь болох их сургуулийн бэлтгэл хөтөлбөр юм.***

### **Олон улсын бакалавриат дипломын хөтөлбөрийн эрхэм зорилго**

*Олон улсын бакалавриат дипломын хөтөлбөр нь мэдлэг чадвартай, сонирхон судалдаг, хүн төрөлхтний өв уламжлал, ёс заншил, хэл соёлыг хүндлэн дээдэлж эх дэлхийн энх тайвныг эрхэмлэдэг, илүү сайхан ертөнцийг бүтээж чадах шинэ залуу үеийг бэлдэхийг эрхэм зорилгоо болгодог. Бид олон улсын байгууллага, засгийн газруудтай хамтран ажиллаж, олон улсын жишигт нийцсэн боловсролын хөтөлбөр боловсруулж, шударга, нягт шалгах үнэлгээний аргачлалыг улам бүр хөгжүүлсээр байна. Энэхүү хөтөлбөрөөр суралцаж буй хүүхэд бүр идэвхтэй, хүсэл тэмүүлэлтэй, хүн бүрийн онцлог зан чанарыг ойлгон хүндэтгэж чаддаг, насан туршдаа сурч боловсрох чадвартай иргэн болон төлөвшдөг.*

### **“Шинэ Үе” сургуулийн эрхэм зорилго**

*Бид шинэ үеийнхнийг*

*Халамжтай*

*Хариуцлагатай*

*Хүнлэг*

*Хичээнгүй*

*Эрүүл чийрэг*

*Эрдэм боловсролтой*

*Эх хэл, өв уламжлалаа хайрлан хамгаалдаг*

*Энэ дэлхийн улс, үндэстэн бүрийн ёс заншил, ахуй соёлыг хүндлэн дээдлэх иргэн болгож төлөвшүүлнэ.*

Олон улсын бакалавриат дипломын хөтөлбөрийн зохицуулагч

Нэр: Т.Ханджав

Утас: +976 9111 7811

Имэйл: [khandjav@shineue.edu.mn](mailto:khandjav@shineue.edu.mn)

Хаяг: СБД, 1-р хороо, Юнескогийн гудамж 12, “Шинэ Үе” сургуулийн байр, 107 тоот оффис

Олон улсын бакалавриат дипломын хөтөлбөрийн зохицуулагчийн туслах

Нэр: Б.Молор-Эрдэнэ

Утас: +976 8870 0938

Имэйл: [boldbaatar.m@shineue.edu.mn](mailto:boldbaatar.m@shineue.edu.mn)

Хаяг: СБД, 1-р хороо, Юнескогийн гудамж 12, “Шинэ Үе” сургуулийн байр, 107 тоот оффис

**Олон улсын бакалавриат дипломын хөтөлбөрт суралцагчийн эзэмших 10 шинж чанар**

Эх дэлхийгээ энх тайван байлгаж, одоо байгаагаас нь илүү сайхан ертөнцийг бий болгохын тулд хүнлэг чанараа танин мэдэж, энэ дэлхий ертөнцийг хамгаалах хамтын үүргээ ухамсарлан ойлгох чадвартай олон улсын сэтгэлгээтэй хүмүүс болгон хөгжүүлэхэд Олон улсын бакалавриат дипломын хөтөлбөрийн эрхэм зорилго оршино.

**Олон улсын бакалавриат дипломын хөтөлбөрт суралцагчийн эзэмших 10 шинж чанар**

**ЭРЭЛХИЙЛЭГЧ** Өөрсдийн сонирхсон зүйлсээ лавлан асуух, судлан шинжлэх чадвартай, аливаа зүйлд тэмүүлэлтэй, үргэлж суралцаж, хөгжих чадвартай иргэн болон төлөвшдөг.

**МЭДЛЭГТЭЙ** Тэд бүс нутагтаа болон олон улсад тулгамдсан асуудлын ойлголт, санаануудыг нээн олж чаддаг. Үүний үр дүнд тэрхүү ойлголт, санаа, асуудлынхаа талаар өргөн болоод тэнцвэртэй ойлголттой болж, гүн гүнзгий мэдлэг олж авч чаддаг. Олон талын мэдлэгтэй, түүнийгээ амьдралд хэрэглэх чадвартай иргэн болж төлөвшдөг.

**ХЭРСҮҮ** Нарийн төвөгтэй асуудлуудад дүн шинжилгээ хийж, үндэслэлтэй шийдвэр гаргахдаа шүүмжлэлт бүтээлч сэтгэлгээний чадварыг ашигладаг. Энэ нь тэднийг илүү хэрсүү ухаантай болгон хөгжүүлдэг.

**ХАРИЛЦАГЧ** Бусадтай илүү нээлттэй өөртөө итгэлтэй харилцаж, бусдыг ойлгож, анхааралтай сонсож тэдэнтэй хамтран ажиллах чадвартай иргэн болон төлөвшдөг.

**ЗАРЧИМЧ** Аливаа зүйлд зарчимч, шударга ханддаг, ёс зүйтэй, хууль дүрмийг чанд сахидаг, хүмүүсийн нэр төр ба эрхийг хүндэтгэж, өөрсдийн үйлдэл, тэдгээрийн үр дагавруудад хариуцлага хүлээж чаддаг иргэн болж төлөвшдөг.

**НИЙТЭЧ** Өөрсдийн соёл, бусдын үнэт зүйлс, уламжлалыг хүндэлж, бодитойгоор үнэлэн дүгнэдэг, юмсыг олон талаас нь харах чадвартай, туршлагаасаа суралцаж өсөн дэвжихэд бэлэн байдаг иргэдийг бэлддэг.

**ХАЛАМЖТАЙ** Өөрсдийгөө бусдын оронд тавьж, бусдыг энэрч, хүндэтгэдэг, бусдын амьдрал болон хүрээлэн буй орчинд эерэг өөрчлөлт авч ирж чаддаг иргэн болон төлөвшдөг.

**ШИЙДЭМГИЙ** Аливаа тодорхойгүй зүйлд шийдэмгий хандаж, шинэ шинэлэг санааг судлахын тулд бие даан болон хамтран ажиллах чадвартай, сорилт бэрхшээл, өөрчлөлтийн өмнө бэлэн зогсож чаддаг, хөрвөх чадвар сайтай иргэн болон төлөвшдөг.

**ТЭНЦВЭРТЭЙ** Өөрсдийн болон бусдын сайн сайхан зүйлсийн төлөө оюун ухаан, бие бялдар, болон сэтгэл хөдлөл зэрэг амьдралынхаа янз бүрийн төлөвийг тэнцвэржүүлэхийн чухал ач холбогдлыг ойлгодог, бусад хүмүүс болон амьдарч буй ертөнцтэйгөө харилцан хамааралтайгаа хүлээн зөвшөөрдөг уян хатан иргэн болон төлөвшдөг.

**ЭРГЭЦҮҮЛЭГЧ** Аливаа зүйлсийн мөн чанарыг эргэцүүлэн бодож, юмсын сайн муу, үнэн зөвийг ялган таньж ухаалгаар шийдвэрлэж чаддаг.



## Элсэлтийн журам



---

Олон улсын бакалавриат дипломын хөтөлбөрт суралцагчийн эзэмших 10 шинж чанарын талаарх дэлгэрэнгүйг [www.ibo.org/recognition](http://www.ibo.org/recognition) сайтаас орж үзнэ үү.

## ТАНИЛЦУУЛГА

“Шинэ Үе” сургууль анх 2003 онд Монгол улсын ардын багш Ү.Маамын санаачлагаар байгуулагдсан. Бид 2005 оноос Математик - Англи хэлний гүнзгийрүүлсэн сургалттай сургууль болсон. Та бүхнийг манай сургуульд элсэн орохыг урьж байна.

“Шинэ Үе” сургууль нь 2018 онд олон улсын бакалавриат дипломын хөтөлбөрийг хэрэгжүүлэх эрхээ авч дэлхийн олон улсын бакалавриат сургуулиудын эгнээнд нэгдэн орсон. 2020 онд анхны төгсөлтөө хийж эхний 5 сурагч маань хос хэлтэн Олон улсын бакалавриат дипломын дипломын эзэд болсон. Олон улсын бакалавриат дипломын хөтөлбөр нь суралцагчдын амьдрал болон тэдний гэр бүлд томоохон өөрчлөлт бий болгоно гэдэгт бид итгэж байна. Олон улсын бакалавриат дипломын хөтөлбөрийн “Шинэ Үе” сургуульд хэрхэн хэрэгжиж буй талаар илүү их мэдээлэл авахыг хүсвэл доорх холбоосоор орж “Шинэ Үе” сургуулийн олон улсын бакалавриат дипломын хөтөлбөрийн гарын авлагыг үзээрэй.

[https://drive.google.com/drive/u/0/folders/12sJK8zhqXdGzYP\\_xzqlQVmoKb06bwoMw](https://drive.google.com/drive/u/0/folders/12sJK8zhqXdGzYP_xzqlQVmoKb06bwoMw)

## ЭЛСЭХ ЖУРАМ

### **Манай сургуульд 1-р ангиас элсэн орохыг хүсвэл:**

Жил бүрийн 1-р ангид элсэхээр бүртгүүлсэн сурагчдад зориулж бэлтгэл бүлэгтээ 3 долоо хоногийн сургалт зохион байгуулдаг боловч цар тахлын үед бид сурагчдаасаа онлайн ярилцлага авч элсэлтийн үйл ажиллагааг 100 хувь цахим хэлбэрт шилжүүлээд байна. Уг ярилцлагаар хүүхдийн хэл яриа, ой тогтоолт, анхаарлын тогтворжилт, логик сэтгэхүйн чадвар зэргийг тодорхойлдог бөгөөд энэхүү ярилцлагын дүнг үндэслэн шалгаруулж авна.

1-р ангид элсэгч нь тухайн ондоо 6 нас хүрэх эсвэл 6 нас хүрсэн байх шаардлагатай.

### **Бусад сургуулиас шилжин ирэхийг хүсвэл:**

Манай сургуульд бусад сургуулиас шилжин ирэхийг хүссэн сурагч дараах шаардлагыг хангасан байна. Үүнд:

1. VI-XII дугаар ангид элсэгч нь монгол хэл, математик, англи хэл гэсэн гурван хичээлээр, I-V дугаар ангид элсэгч нь монгол хэл, математикийн хичээлээр түвшин тогтоох шалгалтыг заавал өгнө. Монгол хэл, математикийн шалгалт нь БШУЯ-аас гаргасан боловсролын стандартын дагуу байна. Харин англи хэлний шалгалт нь манай сургуулийн хөтөлбөрийн дагуу байна. Эдгээр шалгалтанд 70%-аас доошгүй дүн авсан сурагчид элсэх эрхтэй болно.
2. Шалгалтын комисс шалгалтад орсон сурагчидтай ярилцлага хийх шаардлагатай гэж үзвэл тухайн сурагчийн эцэг эх, асран хүмүүжүүлэгчтэй нь ярилцлага хийсний дараа эцсийн дүнг гаргаж сургуульд элссэн эсэхийг мэдэгдэнэ.
3. Сургуульд элссэн сурагчид шаардагдах бичиг баримтыг бүрэн бүрдүүлнэ.

(Бүрдүүлэх бичиг баримтын жагсаалтыг доор хавсаргасан болно)

4. Сурагчдыг элсүүлэхдээ биеийн болон оюуны чадамжийг бид харгалзан үзэх ба манай сургуулийн хөтөлбөрийн цар хүрээ, түвшинг эцэг эх, асран хамгаалагч нарт бүрэн тайлбарласны дараа элсүүлнэ.

**“Шинэ Үе” сургуульд элссэн тохиолдолд доорх бичиг баримтыг бүрдүүлнэ:**

1. Сурагчийн төрсний гэрчилгээний хуулбар
2. Эцэг эхийн иргэний үнэмлэхний хуулбар
3. Сурагчийн анкет бөглөх (3x4 зураг хэрэгтэй)
4. Эрүүл мэндийн хуудас бөглөх
5. Манай сургууль руу шилжиж байгаа бол сурагчийн хувийн хэрэг
6. Дүүргийн боловсролын цахим ESIS системд хуучин сургуулиас хасалт хийх
7. Сурагч гадаадын сургуулиас шилжин ирж байгаа бол сургуулийн үнэлгээний журмын дагуу гадаадын сургуулийн дүнг Монголын ЕБС-н үнэлгээ рүү шилжүүлнэ.
8. Суудал хадгалах төлбөр тушаах (энэ төлбөр нь сургалтын төлбөрийн нэг хэсэг болох ба СУРГАЛТЫН ТӨЛБӨР хуудаснаас дэлгэрэнгүй мэдээлэл авна уу).

**Олон улсын бакалавриат дипломын хөтөлбөрт элсэх журам:**

- 11-р ангид элссэн байх
- Тус хөтөлбөрийн талаар бүрэн ойлголттой, төгсөх шалгуураа мэддэг байх
- Англи хэлний шаардлагыг биелүүлэх хэрэгтэй:

TOEFL Junior шалгалтын нийт онооны нийлбэр 850-с дээш ба шалгалтын бүрэлдэхүүн тус бүрийн оноо нь хамгийн багадаа:

Сонсгол (Listening Comprehension) – 275

Дүрэм ба найруулга (Language Form and Meaning) – 280

Уншиж ойлгох (Reading Comprehension) – 295

**Эцэг эхийн үүрэг:**

Сурагчдын сурлагын үнэлгээний түвшин нь эцэг эхээс хамааралтай бөгөөд эцэг эхийн хандлага нь хүүхдийн сурлага болон хүмүүжилд асар их нөлөөлдөг. Сурагчид амжилттай суралцахад багш эцэг эхийн хамтын ажиллагаа нэн чухал.

**Хүлээлгийн жагсаалт:**

Хэрэв тухайн ангид орон тоо үлдээгүй бол сурагчид хүлээлгийн жагсаалтанд орох боломжтой. Хүлээлгийн жагсаалтанд орохыг хүсвэл сургалтын менежерт хүсэлтээ гаргана.

**Анги хуваарилалт:**

Бид элссэн сурагчдын ангийн бүлгийн хуваарилахдаа ангийн сул орон тоо, сурагчийн элссэн огноо, сурагчийн нас зэргийг харгалздаг. Сурагчид анх элссэн бүлэгтээ төгстөлөө тогтвортой суралцснаар урт хугацааны нөхөрлөл үүсгэх эерэг нөлөөтэй. Манай сургууль нь олон анги, бүлгийн хамарсан үйл ажиллагаа идэвхтэй зохион байгуулж, нийгмийн харилцааг хөгжүүлдэг.

**Бүртгэлийн хураамж:**

Бүртгэлийн хураамж нь ирэх хичээлийн жилийн суудлыг баталгаажуулаас гадна ирэх жилийн сургалтын төлбөрийн хэсэг болно. Бүх сурагчид тухайн жилийн 5-р сарын 31-ний дотор бүртгэлийн хураамжаа төлөх ёстой.

Сурагчид эсвэл эцэг эхчүүд тухайн жилийн 5-р сарын 31-ний дараа шилжүүлсэн болохыг сургуулийн захиргаанд мэдэгдсэн тохиолдолд энэ төлбөрийг буцааж олгохгүй болохыг анхаарна уу.

**Элсэлтийн явц, бүрдүүлэх шаардлагатай баримт бичиг:**

1. Элсэлтийн менежер, хатагтай Цэдэвсүрэнгийн Энхтуяатай элсэлтийн шалгалт өгөх өдөр цагийг товлон. И-мэйл хаяг: primary.manager@shineue.edu.mn
2. Хэрэв зөвшөөрөгдсөн бол:
  - A. цахим өргөдлийн маягтыг бөглөх
  - B. сурагчийн төрсний гэрчилгээний хуулбарыг цахим маягтад хавсаргаж оруулах
  - C. өмнөх сургуулиас сурагчийн хувийн хэргийг авчрах
3. Бүртгэлийн хураамжыг төлөх
4. Сурагчийг ангидаа хуваарилагдсаны дараа анги удирдсан багштай уулзана

**ЖУРМЫГ ХЯНАН ӨӨРЧЛӨХ ЯВЦ**

Энэхүү журмыг хамгийн сүүлд хянан засварлаж өөрчилсөн өдрөөс хойшхи хоёр жил тутам дахин хянан өөрчилж байх болно. Хамгийн сүүлд энэхүү журмыг өөрчилсөн он, сар, өдөр уг журмын хуудас бүрийн баруун доод буланд тэмдэглээстэй байх ёстой. Журамд оруулах аливаа өрчлөлтийн талаархи санал санаачилгыг нийт багш нарын 70 хувиас доошгүй ирцтэй багш нарын хурлаар хэлэлцэн батлах ёстой. Багш нар тийнхүү журамд оруулахаар санал болгосон өөрчлөлтийг санал хураалтаар батална.

Тийнхүү баталсан засвар өөрчлөлтүүдийг сургуулийн захирал, сургалтын менежерүүд, хөтөлбөрийн зохицуулагч болон тэнхимүүдийн эрхлэгч нарын бүрэлдэхүүнтэй сургуулийн захиргаа дахин хянан үзэж, бусад журам болон дотоодын хууль тогтоомжид үл харшлахаар байвал батална.

Журамд хамгийн сүүлд оруулсан аливаа засвар өөрчлөлт нь сургуулийн захиргаанаас өөрөөр шийдвэрлээгүй бол дараагийн хичээлийн жилээс эхлэн хүчин төгөлдөр болно.

---

**Ашигласан материалын жагсаалт**

1. International Baccalaureate Organization (2017). DP Grade Descriptors. Retrieved April 8, 2021.
2. International Baccalaureate Organization (2015). DP: From principles into practice. Retrieved April 8, 2021.
3. International Baccalaureate Organization (2018). Diploma Programme Assessment Procedures. Retrieved April 8, 2021.
4. International Baccalaureate Organization (2010). Guidelines for developing a school assessment policy in the Diploma Programme. Retrieved April 8, 2021.
5. SUS IBDP Handbook 2021-2023. Retrieved May 5, 2021.
6. SUS Admission Policy 2018. Retrieved June 11, 2021.



Элсэлтийн журам



ЮНЕСКО-12, 1-р хороо, Сүхбаатар дүүрэг,  
Улаанбаатар, Монгол улс

Олон улсын бакалавриат дипломын хөтөлбөрийн элсэлтийн журам  
2021 он